

ԴԱՀԱԿԱՆ ՑԵՂՆԵՐԸ ԿԱՍՊԻՑ ԾՈՎԻՑ ՀԱՐԱՎ-
ԱՐՆՎՄՈՒՏՔ ԸՆԿԱԾ ՇՐՋԱՆՆԵՐՈՒՄ

Ս. Գ. ՊԵՏՐՈՍՅԱՆ

Կասպից ծովից հարավ-արևմուտք ընկած շրջանները ստրատեգիական կարևոր դիրքեր ունեն և՛ հին Ատրպատականի և՛ հին Հայաստանի համար։ Սրանց վրայով էին Ատրպատականի և Հայաստանի խորքերը թափանցում Դերբենդի և հարևան լեռանցքներով Արևելյան Անդրկովկաս ներխուժած «հյուսիսականները»՝ Հյուսիսային Կովկասի և Մերձկասպյան հարթավայրի հարակից շրջանների սարմատական ու լեռնցի վեյնախա-դադստանյան ցեղերը, ինչպես նաև Հյուսիս-արևելյան Անդրկովկասում բնակվող սրանց ցեղակիցներն ու դաշնակիցները՝ մազդուիթների գլխավորությամբ։

Ատրպատականն ու Հայաստանը իրենց դինաստիական թագավորությունները դարձնելուց հետո՝ Արշակունիները ստիպված էին մտահոգվել խնդրո առարկա շրջաններում այնպիսի ռազմունակ տարրի ստեղծումով, որի վրա հենվելով կարողանային դիմագրավել «հյուսիսականներին» և ապահովել Արշակունյաց կոնֆեդերացիայի մեջ մտած երկրների անվտանգությունը նրանց ներխուժումներից։ Դա հույժ անհրաժեշտ էր դարձել մանավանդ 72 թ. հետո, երբ ալանների գլխավորությամբ տեղի ունեցած «հյուսիսականների» ներխուժումն¹ ու հաջորդ իրադարձություններն Արշակունիներին ցույց տվեցին, թե որքան թույլ էին իրենց դիրքերը տեղական բնակչության միջավայրում։

Վերջին առիթով խիստ ուշագրավ է Մովսես Խորենացու հետևյալ հաղորդումը. «Յետ մեռանելոյ վերջնոյ Արշակայ թագաւորի Պարսից, թագաւորեցուցանէ մերս Արտաշէս՝ զհամանուն իւր զԱրտաշէս որդի նորին ի վերայ Պարսից աշխարհին։ Եւ ոչ կամեցան հնազանդել նմա բնակիչք լերինն, որ անուանեալ կոշի յիրեանց լեզուն Պատիժահար դաւառ, որ է Գեղմանց լեռն, եւ ծովեզերեայք, եւ այսր եւս քան զնոսա. նա եւ Կասբից երկիրն յայն սակըս ապստամբէն ի մերոյ արքայէն։ Վասն որոյ առաքէ ի վերայ նոցա Արտաշէս զՍմբատ ամենայն զօրաւքն Հայոց, ինքն արքայ յուղարկ երթալով աւուրս եաւթն։ Իսկ Սմբատայ երթեալ հնազանդէ զամենեւեան. բայց զերկիրն Կասբից աւերեալ՝ առաւել քան զԱրտաղեան գերի ածէ ի Հայս. ընդ որս եւ զԶարդմանոս անուն թագաւոր նոցին»²։

Հաշվի առնելով ստեղծված վիճակը, Արշակունի գահակալ եղբայրները՝ Իրանի արքայից արքա Վաղարշ I-ը (51—80), Մեծ Հայքի թագավոր Տրդատ I-ը (52—88 թթ., օրինական գահակալ 66 թ.) և Ատրպատականի թագավոր Բակուրը որոշում են Հայաստանի, Ատրպատականի և Աղվանքի ժայռամա-

¹ Այն իր տրձագանքն է գտել ինչպես Հովսեփոս Փլավիոսի և Մովսես Խորենացու, այնպես էլ նրանցից օգտված օտար և հայ ուրիշ մատենագիրների երկերում։

² «Մովսիսի Խորենացու Պատմութիւն հայոց», Տփղիս, 1913, էջ 152—153։

սերը կազմող այս շրջաններում առանձին հատվածներով բնակեցնել դահական տարբեր ցեղերի: Ընդ որում, Արշակունի դահակալ եղբայրներն այս շրջանների ունեցած ստրատեգիական կարևոր դիրքի հետ միասին նկատի էին առել նաև այն հանգամանքը, որ այստեղ գտնվող Կուր-Արաքսյան հարթավայրն ուներ ձմեռային հարուստ արոտավայրեր, իսկ հարևան լեռնային շրջանները՝ ամառանոցային փարթամ արոտներ³:

Դահերը Արշակունիների վաղեմի հենարանն էին, նրանց ցեղերից մեկի՝ ապառնների ('Առքուն) տոհմա-ցեղային ավագանուց էր սերում Արշակունի արքայատոհմը: Դահական ցեղախմբի մեջ նրանցից բացի մտնում էին նաև քսանթները (Ξανθινοι) և պիսուրները (Πισυριοι), որոնք վաշկատուն կյանք էին վարում Կասպից ծովի և Ամու-Դարյա (Օբսոս) գետի⁴ միջև՝ այժմյան Թուրքմենստանի տարածքում: Գլխավորապես սրանցից և սակերից էին համարվում պարթևական բանակի «սկյութական» հորջորջված հեծյալ ղորամասերը⁵: Դահերը, սակերը և նրանց ցեղակից «վրկանցիներն» էին Վաղարշ I-ի նախորդ պարթևական դահակալների՝ հատկապես Արտավան III-ի (12—38) և Գողերծի (Գոտարզ՝ 38—51) նեցուկը հռոմեական դրածոների և իրենց մյուս հակառակորդների դեմ մղվող պայքարում⁶: Այդ հանգամանքին քանիցս անդրադարձել է Տակիտոսը⁷:

Խնդրո առարկա շրջաններում հաստատված գահական ցեղերից ամենից շատ տվյալներ (ուղղակի և անուղղակի) մեզ հասել են Արշակունիների «արքայական» ապառն ցեղի վերաբերյալ, որին հին հայերը կոչում էին ապարհացի (կամ ապարհայիկ)⁸: V դ. Եղիշեն ապարհացիներին հիշատակում է գեղերի (գելերի, որոնք ապրում էին Գլխանում), կատիշների (անտիկ աղբյուրների կադուսիների) և հոների (խոների՝ Կասպ-Փայտակարանի սարմատական ժագամաբ ցեղերից մեկի) հետ միասին⁹: Ապարհացիների ցեղանունն է առկա արաբ մատենագիրների կողմից միջնադարյան Ատրպատականի (Իրանական Աղբեջան) հյուսիսում հիշատակված ابرستوین լեռան անվան մեջ¹⁰, որի իմաստն է «Ապար(հ)-զոհասար», այսինքն՝ «Ապարհ (ցեղի) զոհասար»¹¹:

³ Անատոնիներին ամառնարոտի և ձմեռնարոտի վայրերով ապահովելը պարտադիր պայման էր թե՛ դահերի, թե՛ առհասարակ քոչվորական ու կիսաքոչվորական անասնապահության զբաղվող մյուս բոլոր ցեղերի համար:

⁴ Strabo, XI, 8, 2.

⁵ Г. А. Кошелев, Внутривосточная борьба в Парфии («Вестник древней истории», 1963, № 3, стр. 65).

⁶ М. Е. Массон, Новые данные по древней истории Мерва («Вестник древней истории», 1951, № 4, стр. 143—160); և ուրիշ՝ Народы и области южной части Туркменистана в составе Парфянского государства («Труды ИТАКЭ», т. V, 1955, стр. 15).

⁷ Tacitus, Annales, II, 3; VI, 36, 41, 44; XI, 8, 10.

⁸ Ապարհացիների անդրկովկասյան հատվածների մասին ավելի մանրամասն տե՛ս «Հայ ժողովրդի պատմություն», հ. I, Երևան, 1971, էջ 713, ծան. 21, էջ 835: С. Т. Еремян, Страна «Махелония» надписи Кааба-и-Зардушт («Вестник древней истории», 1967, № 4, стр. 55—56, пр. 64); Ս. Գ. Պետրոսյան, Փայտակարանը և Պարսպատունիքը մ. թ. 1-ին դարի երրորդ քառորդում («Պատմա-բանասիրական հանդես», 1975, № 2, էջ 177):

⁹ «Եղիշեի Վասն Վարդանայ և Հայոց պատերազմին», Երևան, 1957, էջ 115:

¹⁰ «Արաբական աղբյուրները Հայաստանի և հարևան երկրների մասին», Երևան, 1965, էջ 9, էջ 124, ծան. 9:

¹¹ Լեռան անունը բաժանվում է abar (<*apar-h), ašt (<*yašt), vīm (<*vēm)

Ապարհացիների հետ միասին Արշակունիները Կասպե-Փայտակարանում բնակեցրել էին նրանց ազգակից քսանթների մի հատվածը ևս: Վերջիններիս ցեղանունն է պահել միջնադարյան Թալիշի **شندان** (Շանդան) բնակավայրը, որը գտնվում էր Աստարայի և Արդեբիլի միջև՝ ներկայիս սովետական սահմանում¹²: Քսանթների էթնոնիմը հին իրանական լեզուներում ունենալու էր *hšant կամ *hšan¹³ տեսքը (որից էլ հունական Ξανθ-οι ձևը¹³):

Հին իրանական հօ հնչյունակապակցությունը միջին արևմտաիրանական լեզուներից երկուսում՝ պարթևերենում և միջին պարսկերենում (ինչպես նաև սրանցից նոր պարսկերենին ժառանգություն մնացած բառերում և հույներենին անցած իրանական փոխառություններում) վերածվել էին š-ի¹⁴: Այս օրինաչափությունից ելնելով՝ թե՛ պարթևերենի և թե՛ միջին պարսկերենի օգնությամբ կարող ենք վերականգնել **شندان** (Շանդան) տեղանվան նախատիպը, որն ունենալու էր *hšantan տեսքը: Իսկ վերջինս բաղկացած է բուն ցեղանունից՝ *hšant (քսանթ) և ān հոգնակիակերտ մասնիկից:

Քսանթների ցեղանվան երկրորդ՝ *hšan¹⁵ տարբերակից է ծագում Ատրպատականի Շանճան ազգագավառի անվանումը: Հարմար ստրատեգիական դիրք ունեցող այս ազգագավառը բռնում էր ներկայիս Ջանջան (Ջանջան) բաղաբի շրջակայքը¹⁶: Այստեղ էին խաչածնվում Ռեյից, Համադանից և Դինավարից եկող ճանապարհները, որոնք այնուհետև ընթանում էին մեկը դեպի հյուսիս՝ Արդեբիլ, իսկ մյուսը՝ հյուսիս-արևմուտք՝ դեպի Թավրիզ ու Մարաղա¹⁶: Այս տեսանկյունից պատահական չէ քսանթների հայտնվելն այստեղ՝ Ատրպատականի ու Մեծ Մարաստանի սահմանագլխին՝ դելթամիցիների երկրի («Աշխարհացոյցում»՝ Դելումք) հենց թիկունքում:

Խորենացու հաղորդած վերոբերյալ տեղեկությունից բխում էր, որ «հյուսիսականների» 72 թ. ներխուժման ժամանակ Արշակունիների դեմ ապստամբել էին ոչ միայն Կասպե-Փայտակարանի, այլև հարակից շրջանների, ի թիվս որում և Ատրպատականի հյուսիս-արևելյան ու արևելյան մասերի ցեղերը: Խորենացին դրանց կոչում է «բնակիչք լերինն, որ անուանեալ կոշի յիրեանց լեզուն Պատիժահար գաւառ, որ է Գեղմանց լեառն, եւ ծովեւերեայք, եւ այսր եւս քան զնոսա»¹⁷: Անտարակույս, դրանք եղել են գեղերը (գեղերը), դելթամիցիները (դելումք), կատիշները (կադուխները) և նրանց հարևան մյուս ռազմիկ ցեղերը: Բնական է, որ ապստամբության ճնշումից հետո, Արշակունիներն այնպիսի կարևոր ստրատեգիական դիրքով օժտված մի շրջան, ինչպիսին էր Շանճանը (Ջանջանի շրջակայքը), տեղաբնիկ ցեղերի տրամադրությամբ տակ թողնել չէին կամենա: Հենց այդ շրջանի ապստամբ-

բաղադրիչների, որոնցից իրանական yašt բառը նշանակում է «զոհ», vem-ը՝ «ծալ, սար» (>հայ. վէմ):

¹² В. Ф. Минорский, История Шпрвана и Дербенда X—XI веков. М., 1963, стр. 140—141.

¹³ Հունարեն Ξ (ξ) տառով էր արտահայտվում հին իրանական հօ հնչյունակապակցությունը (հմտ. Ξέρξης, Քսերքսես < Hšayarsā: 'Αρταξέρξης, Արտաքսերքսես < Artahšasa, Artahsašra: Πόντος, Եւξενος, Եվքսինյան Պոնտոս — և Սև ծով < Πόντος 'Αξενος < իրան. ahšašena «թուխ»):

¹⁴ Հմմտ. հին իրանական hšayašiya > միջին պարսկական šah «շահ, արքա»: hšašra > šahr «երկիր, քաղաք»: hšapa > šap, šab «գիշեր»:

¹⁵ Ս. Ս. Երեմյան, Հայաստանը ըստ «Աշխարհացոյց»-ի, Երևան, 1963, էջ 73:

¹⁶ В. В. Бартольд, Сочинения, т. VII, М., 1971, стр. 202.

¹⁷ Մ. Խորենացի, էջ 182:

ներին ճնշելուց հետո էին նրանք այստեղ բնակեցրել դահական քսանթ ցեղի
այն հատվածը, որը և շրջանին տվել էր իր անունը. *hšanθ-an > šanθan >
Շանեան (հմմտ. *hšant-ān > šantān > Շանդան):

Ապառնների և քսանթների նման դահական ցեղամիության մեջ մտած
երրորդ ցեղը՝ պիսուրները ևս իրենց մասնակցությունն էին բերելու այս ար-
տագաղթին, Ամենայն հավանականությամբ, Կասպք-Փայտակարանին հյու-
սիս-արևելքից հարող ծովահայաց շրջաններում վերաբնակված պիսուրների
էթնոնիմն է պահպանված Ապշերոնյան թերակղզու անվան մեջ¹⁸, Այս շրջան-
ների ստրատեգիական կարևոր դիրքի (հատկապես «հյուսիսականներ» — Ար-
շակունիներ հարաբերությունների տեսանկյունից) մասին է խոսում այն փաս-
տը, որ Հռոմեական կայսրությունը փորձում էր իր հնանկետերը ստեղծել
Արևելյան Անդրկովկասի հենց այս մասում: Ապշերոնյան թերակղզում, այ-
ժրմյան Բաքվից հարավ-արևմուտք գտնվող Բյուքդաշ լեռան ստորոտում,
արևելաանդրկովկասյան ճանապարհի ճյուղերից մեկի մոտ գտնված լատի-
ներեն արձանագրության վերծանումը ցույց տվեց, որ ժամանակին այստեղ
կանգնած հռոմեական 12-րդ (Fulminata) լեգեոնը 84—86 թթ. ընթացքում,
Դոմիտիանոս կայսեր օրոք (81—96), պաշտպանական ամրություններ է կա-
ռուցել լեռան վրա¹⁹:

Կասպից ծովին հարավ-արևմուտքից հարող շրջաններում Արշակունիներին
ազգակից դահական (ապառնա-քսանթա-պիսուրական) էթնիկական տարրի
առկայությամբ պետք է բացատրել ներքոհիշյալ իրողությունները ևս:

1. Կասպք-Փայտակարանի երբեմնի կենտրոն Փայտակարան բնակա-
վայրը (գտնվում էր Կուրի և Արաքսի գետախառնուրդի շրջանում) կոչվում էր
«բաղաք արքայութևանն Հայոց»²⁰, Անտարակույս, նկատի է առնվել հենց
Արշակունի, և ոչ թե Մեծ Հայքի գահին բազմած մեկ ուրիշ արքայատոհմ:

2. Կասպք-Փայտակարանի «հաթնփորակեան բագինք» կամ «Եթն բա-
գինք մեհհենիցն» ուխտատեղին (այլ կերպ կոչվում էր Գաբառու բագինք)²¹
հայոց արքա խոսրով Մեծ Արշակունին համարում էր «զիւր ազգին Արշակու-
նեաց զհայրենեաց պաշտամանց տեղիսն»²²:

3. Արաք մատենագիրների կողմից այստեղ՝ ժՄուղանի երկրում, Բադի
կողմերում» (Բադը՝ հայ մատենագիրների Բատը, գտնվում էր Սավալան լե-

¹⁸ Ապշերոն (Ապշերան, նաև Ապշարան, Ավշարան) տեղանունն ունի ցեղանվանական
կազմություն: Այդ են վկայում ինչպես տեղանվան մեջ առկա իրանական օ՛՛՛ կամ ձ՛՛՛ հոգնա-
կիակներտ մասնիկը (օ՛՛՛=ա՛՛՛, բանի որ արևելաիրանական որոշ լեզուների, իսկ արևմտա-
իրանականներից՝ թալիշերենին, հատուկ է ռեզայիններից առաջ ձ > օ անցումը), այնպես էլ
իրանական ցեղանուններին բնորոշ նախաձայն ա-ն (հմմտ. ամադ, ամադ, ամադդ և մադդ,
ապառն և պառն համարժեք ցեղանունները): Այսպիսով, բննարկվող տեղանվան մեջ առկա
էթնոնիմի բուն ձևն է *պշեր-ը (կամ *պիշեր-ը), որը, հավանաբար, հունաձև ԳԵՏԵՐ-ի տե-
ղական արտասանությունն է. a-p(i)šer-ān > Apšeran, Apšeron:

¹⁹ К. В. Тревер, Очерки по истории и культуре Кавказской Албании, IV в. до
н. э.—VII в. н. э., М.—Л., 1959, стр. 127, 342—345; П. Х. Тумбиль, Римская надпись
I в. н. э., обнаруженная в пределах Азербайджана (Капристан), («Доклады АН
Аз. ССР», Баку, 1948, № 7, стр. 312—314); И. М. Джафарзاده, Древнелатинская
надпись у подошвы горы Бейюкдаш, там же, стр. 304—311.

²⁰ «Ագաթանգեղայ Պատմութիւն», Վենետիկ, 1862, էջ 628:

²¹ Ս. Ս. Երևմյան, նշվ. աշխ., էջ 46, 51:

²² Ագաթանգեղոս, էջ 34:

ռան հյուսիսային փեշերին) հիշատակվում է Աւշակ, اوشاق անունով մի լեռ²³, Այն մոտավորապես տեղադրվում է Իրանական Ադրբեջանի Արշակ (Արշադ) գավառի տարածքում՝ Սավալան-Արդեբիլ գծից հյուսիս²⁴, Բացառված չէ, որ սա Յաշտասար (այժմ՝ Հաշտասար)²⁵ և ابرشتویم (*Ապարհ-յաշտ-լիմ) անուններով հայտնի միևնույն լեռը լինի՝ Աւշակ կոչված Արշակունիների «արքայական» ցեղի տոտեմ-նախնու կամ դրանից ծագած Արշակունի գահակալների դինաստիական անունով²⁶,

4. Կասպք-Փայտակարանին հարավից հարող և արաբական աղբյուրներում Սաբիլան (Սաբալան, Սավալան) կոչված շրջանում ևս Արշակունիներն ունեին իրենց ցեղակիցները, հատ խորենացու, դրանք բնակվում էին Բատ և Ոգոմն գավառներում²⁷, իսկ Բատ գավառը պետք է տեղագրել Սավալան լեռից անմիջապես հյուսիս՝ Բատ (Բադ) կոչվող նույնանուն, քնակավայրի շրջակայքում: խորենացին Արշակունիների այս ցեղակիցներին համարում է որդիները Իրանի գահակալ Դարեհ վերջին Արշակունու: Իսկ այս ավանդական անձնավորության անվամբ ժամանակագրական առումով հանդես է գալիս Արշակունի արքայից-արքաներից նա, ով թագավորել է մ. թ. 41—71 թթ. ընթացքում՝ լինելով ժամանակակիցը խորենացու հիշատակած Երվանդ վերջին ու Արտաշես II հայոց արքաների, ինչպես նաև հռոմեական Կլավդիոս, ներոն ու Վեսպասիանոս կայսրերի²⁸, Վերջիններից Կլավդիոսը գահակալել է 41—54 թթ., ներոնը՝ 54—68 թթ., իսկ Վեսպասիանոսը՝ 69—79 թթ. միջև, Ինչ վերաբերում է նրանց ժամանակակից համարվող հայոց արքաներին, ապա դրանցից Երվանդ վերջինը Մեծ Հայքի գահակալ, հռոմեական դրածո Հուդամիզդ վրացին է (45—52), իսկ Արտաշեսը՝ Տրդատ I-ը (52—88, օրինական՝ 66 թ.):

Հուդամիզդը հայ պատմական ավանդությանը հայտնի էր Երվանդ անունով²⁹, Իսկապես էլ, ըստ խորենացու, հայոց Երվանդ վերջին թագավորը իրեն թիկունք է դարձնում հռոմեացիներին՝ «թողլով ի նոսա զՄիջագետս»³⁰, Իրականում խոսքը Հուդամիզդի մասին է³¹, «Քարթլիս ցխովրեքան» նույն Երվանդին համարում է Փարսման Արմազեցու դաշնակից-զինակիցը, երբ խորենացին նույնպես Երվանդի դաշնակիցն է համարում վրաց Փարսման թագավորին³²: Իսկ վերջինիս և պատմական անձնավորություն հանդիսացած վրաց Փարսման I (35—74) արքայի նույնությունը ցույց է տվել Հ. Մա-

23 «Արաբական աղբյուրները Հայաստանի և հարևան երկրների մասին», էջ 34:

24 նույն տեղում, էջ 131, ծան. 36:

25 Ս. Տ. Երեմյան, նշվ. աշխ., էջ 72:

26 Р и ч а р д Ф р а ѝ, Наследие Ирана, М., 1972, стр. 245, 246, пр. 10.

27 Մ. Խորենացի, էջ 163:

28 Մովսես Խորենացի, Պատմություն հայոց, թարգմանությունը, ներածությունը և ծանոթագրությունները Ստ. Մալխասյանցի, Երևան, 1940, էջ 358—359, Գ. Խ. Սարգսյան, Հելլենիստական դարաշրջանի Հայաստանը և Մովսես Խորենացին, Երևան, 1966, էջ 201:

29 Հ. Մանանդյան, Քննական տեսություն հայ ժողովրդի պատմության, հ. II, Երևան, 1944, էջ 320, 418:

30 Մ. Խորենացի, էջ 164:

31 Մ. Արեղյան, Երկեր, հ. Ա, Երևան, 1966, էջ 122:

32 Մ. Խորենացի, էջ 171:

նանդյանը³³, Հռադամիդդի կրած հայկական Երվանդ գահանունը (այն կարող էր հետևանքը լինել Երվանդունիների հետ վրաց արքայական տան ունեցած ազգակցության), ըստ երևույթին, պատճառ է դարձել, որ նրա գործունեությունը ևս հայ պատմական ավանդությունները վերագրեն մ. թ. ա. III—II դդ. սահմանագլխին իշխած Այրարատի Երվանդ թագավորին: Ծիշտ նույն կերպ Տրդատ I-ի կրած հայկական Արտաշես գահանունը եղել է նրա և Արտաշես I-ի (189—160 թթ. մ. թ. ա.) թե՛ գործունեության նկարագրի, թե՛ կերպարների հայկական պատմական ավանդությունների մեջ միաձուլված հանգես գալու պատճառներից մեկը³⁴:

Ասվածներին պարզվում է, որ հանձին հորենացու «Դարեհ վերջին Արշակունու» գործ ունենք թվարկված հայ (Երվանդ—Հռադամիդդ, Արտաշես—Տրդատ I) և հռոմեացի (Կլավդիոս, Ներոն, Վեսպասիանոս) գահակալների ժամանակակից Պարթևական իրանի արքայից արքա Վաղարշ I-ի հետ, որն իրականում իշխել է 51—80 թթ. ընթացքում:

Ինչ վերաբերում է հյուսիսային Ատրպատականում բնակված «Դարեհ վերջինի որդիներին», ապա նրանք ներկայացնելու են Վաղարշ I-ի կողմից այսպեղ բնակեցված դահտական տարրի Արշակունիներին ազգակից տոհմացեղային ավազանուն: Սրանց վերաբնակեցումը Բատ և Ողմն գավառների տարածքում պետք է տեղի ունեցած լիներ դահական էթնիկական տարրի Կասպից ծովին հարավ-արևմուտքից հարող շրջաններում հաստատմանը պուզընթաց: Այսինքն՝ այն նույն ժամանակաշրջանում, երբ «հյուսիսականներին» 72 թ. ներխուժումից և նրանց հարած խնդրո առարկա շրջանների տեղադրիկ ու եկվոր ցեղերի բարձրացրած ապստամբության ճնշումից հետո Արշակունիներն այստեղ էին բերել դահական ցեղերի՝ ապառնների, քսանթների և պիսուրների առանձին հատվածներ:

Այսպիսով, մ. թ. I դարի 70-ական թվականներին Կասպե-Փայտակա-րանի տարածքում և հարակից շրջաններում Արշակունի գահակալ եղբայրների՝ պարթևական իրանի արքայից արքա Վաղարշ I-ի, Մեծ Հայքի գահակալ Տրդատ I-ի և Ատրպատականի թագավոր Բակուրի ջանքերով հաստատվել էին դահական ցեղերի առանձին հատվածներ: Ապառնների, քսանթների և պիսուրների այս հատվածները կոչված էին Կասպից ծովից հարավ-արևմուտք ընկած և կարևոր առատեղիական դիրքեր զբաղող հիշյալ շրջաններում հենարան ծառայել Արշակունիներին՝ «հյուսիսականների» դեմ նրանց մղած դժվարին պայքարում:

ДАХСКИЕ ПЛЕМЕНА ЮГО-ЗАПАДНЫХ РАЙОНОВ КАСПИЙСКОГО МОРЯ

С. Г. ПЕТРОСЯН

Резюме

Во второй половине I в. н. э. отношения между Аршакидами и сарматскими и вейнахо-дагестанскими племенами Северного Кавказа носили

³³ Հ. Մանանդյան, Նշվ. աշխ., էջ 320:

³⁴ Ա. Գարագաշյան. Քննական պատմություն հայոց, Թիֆլիս, 1895, էջ 242—250, Н. Адонц, Армения в эпоху Юстиниана, Ереван. 1971, стр. 432; Հ. Մանանդյան, Նշվ. աշխ., հ. Ա, էջ 353, հ. Բ, մասն Ա, Երևան, 1957, էջ 12—14, Գ. Խ. Սարգսյան, Նշվ. աշխ., էջ 182:

ли враждебный характер. После знаменитого похода этих племен в 72 г., возглавляемого аланами, большинство племен, населявших юго-западные районы Каспийского моря, воспользовавшись этим, восстали против Аршакидов.

Это заставило братьев-венценосцев Аршакидов (Вологеза I — шахиншаха Ирана, Тиридата I — царя Великой Армении, Пакора — царя Атропатены) предпринять ряд действий в целях защиты прикаспийских границ государств, входивших в Аршакидскую конфедерацию. Результатом этих действий явилось то, что на этих землях обосновались дахские племена: апарны, ксанты и писсуры (эти племена северо-восточного Ирана и юга современной Туркмении были восточноиранско-скифского происхождения). Они, по соображениям Аршакидов, должны были стать опорой их власти в этих прикаспийских землях.